

KRATKO UPUTSTVO ZA POPUNJAVANJE I DOSTAVU OBRASCA
„POTVRDA TAČNIH INFORMACIJA O MUZIČKOM DJELU/IZVEDBI“

Obrazac „POTVRDA TAČNIH INFORMACIJA O MUZIČKOM DJELU/IZVEDBI“ (u daljnjem tekstu „POTVRDA“) je popratni dokument (dokaz) prilikom prijave učešća izvođača u muzičkom djelu/izvedbi koja ulazi u bazu podataka AIS-a, a za potrebe obračuna izvođačkih tantijema.

Muzički producent ili izdavač fonograma muzičkog djela AIS-u na adresu clanovi@aisbih.ba e-mailom dostavlja „POTVRDU“ u dva formata:

1. Word: tačni imena i prezimena/podaci/informacije unesene računarnom, koje AIS može automatski unijeti u svoju bazu podataka. Ovdje se ne unose skenirani potpisi i podaci;
2. PDF: skeniran prethodni dokument u word formi, ali sa unesenim potpisima, pečatima i ostalim kompletnim podacima. Ovaj PDF format ide u arhivu AIS-a kao tačan i vjerodostojan dokument koji je identičan informacijama iz word formata „POTVRDE“

Sva muzička djela koja se AIS-u tek prijavljuju od 01.08.2024. godine moraju imati priloženu ovu „POTVRDU“. Za sva muzička djela koja su AIS-u prijavljena u ranijim godinama, muzički producent ili izdavač fonograma mora napraviti „POTVRDU“ i do 31.08.2025. godine e-mailom dostaviti AIS-u.

Ovom „POTVRDOM“ eliminišemo brojne zloupotrebe, greške i konflikte koje AIS ima zbog dosadašnjeg načina unosa muzičkih djela u bazu podataka. „POTVRDOM“ se nedvosmisleno dokazuje identifikacija muzičkog djela i učešće svih autora i svih izvođača u tom djelu/izvedbi. Tačnost informacija o muzičkom djelu kao izdavalac i potpisnik „POTVRDE“ garantuje muzički producent ili izdavač fonograma.

Bez kompletno i uredno popunjene i dostavljene „POTVRDE“, muzičko djelo neće biti uneseno u bazu podataka muzičkih djela, te kao takvo neće ostvarivati izvođačke naknade - tantijeme.

Bilo koji konflikt ili nejasnoću po muzičkom djelu, AIS će rješavati isključivo na osnovu informacija iz „POTVRDE“. Ukoliko neki izvođač smatra da podaci i informacije u „POTVRDI“ nisu tačni i da time trpi štetu, taj izvođač može kod izdavaoca „POTVRDE“ (muzički producent ili izdavač fonograma) provjeriti/korigovati podatke, ili pred nadležnim institucijama u Bosni i Hercegovini pokrenuti procedure za zaštitu svojih interesa. AIS nema pravo mijenjati informacije i podatke o muzičkom djelu koje je dobio u „POTVRDI“. AIS može mijenjati informacije i podatke o muzičkom djelu samo u slučaju da od davaoca „POTVRDE“ dobije poništenje važenja prethodne, te dobije novu „POTVRDU“.

„POTVRDA“ sadrži informacije:

- a) Naziv (pravno lice) ili ime i prezime (fizičko lice) izdavača fonograma ili muzičkog producenta ovog muzičkog djela. Ovo lice je potpisnik i davalac ove „Potvrde“;
- b) Naziv glavnog izvođača / sastava / orkestra;
- c) Naziv djela/ izvedbe;
- d) ISRC kod (International Standard Recording Code);
- e) Trajanje djela/izvedbe;
- f) Godina djela/izvedbe;
- g) Ime i prezime svih autora muzičkog djela (autor muzike, aranžmana, teksta, koautori...);
- h) Ime i prezime svih izvođača muzičkog djela sa naznačenim vidom učešća u djelu;
- i) Vrsta žanra.